

近代中國史料叢刊第八十六輯

沈雲龍 主編

平定回疆剿擒逆匪方略

曹振鏞等纂

文海出版社

有限公司印行

沈雲龍教授主編

近代中國史料叢刊

第八十六輯

文海出版社
有限公司
印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手札、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況之人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊

第八十六輯

目錄

- 平定回疆剿擒逆匪方略……………曹振鏞等纂
- 嘉慶東巡紀事……………佚 名記
- 科布多政務總冊……………富 俊輯
- 總管內務府現行條例（廣儲司）……………佚 名輯
- 滇事危言二集……………楊觀東著
- 左文襄公征西史略……………盧鳳閣編述
- 康有爲長興里講學記……………陳千秋·梁啓超校
- 康南海長安演說集……………鄧 毅·張鵬一筆記
- 蕭伯瑤先生遺稿……………蕭瓊章著
- 我佛山人筆記……………吳趸人著

平定回疆剿擒逆裔方略序
西域自

皇祖戡定以還土宇旼章久歸聲教
遂回張格爾以逋亡餘孽肇衅
窺邊殆非一日潛入卡倫疊行
糾煽厥辜自速既竄復來成擒

行陣之間生致闕廷之下由始
事以迄成功亦既於告成太學
碑文備臚本末矣茲廷臣纂輯
方略成書以弁首之詞為請乃
援筆而序之曰方道也略灋也
出謀發慮決策制勝明炳於幾

先智周乎萬里而總不離乎道
灋乃是以彰聲討而殄醜虜也
張逆游魂殘喘偷息荒陬逞其
譎謀併擾邊圉固

天道所不容王灋所不宥臨軒命將
絕域行師宵旰籌幾發蹤指授

捷伐伸乎遐裔謀謨運於廟堂
憂勤惕厲曷敢稍釋敬體欽崇
天道之心以行抱灋處勢之事戎臣
效命勁旅同仇狡兔脫而旋即
投羅狂兇奔而終於觸阱馳檻
車以俘獲正藁街之刑章視前

代檄諭擒獻招致受降相去遠
甚此中消息實有陰為之驅而
默為之相者朕仰承

昊佑寅紹

前模惟以守道執灋為兢兢是役之
藏國憲彰人心快而道灋顯著

於寰區是編之垂賞罰信逆順
明而道灋丕昭於矣禊從前

皇祖平定準噶爾方略成於庚寅之
歲迄今甲子一周而是編適成
續

武綏邊後先符合尤有不可思議者

豈徒摩崖刻石遠耀邊陲沃雪
澆螢全操勝算而已哉

道光十年歲次庚寅仲夏月吉

御筆

--	--	--	--	--	--

恭

進平定回疆勦擒逆裔方略表

經筵日講起居注官太傅 武英殿大學士稽察欽奉 上諭事件處

南書房行走 文淵閣領閣事管理工部事務翰林院掌院學士 上書房

行走 國史館正總裁 臣曹振鏞等誠歡誠忭稽首頓首

上言欽惟我

皇上

文治九功

武苞七德

啟龍韜而宰化軒皇之桐鼓如新

揚虎準以宣威禹甸之金駭孔固顯哉

謨而承哉

烈繼序其皇又用明而民用章會歸有極執牛露犬爰

間陳棗幣之圖鰈水鷄林鞮譯驗駟車之製無

遠邇畢獻方物有血氣莫不

尊親蠢茲張格爾之元兇遠蹈霍集占之覆轍敢行
稱亂惟自速辜溯衛拉之初平正逆酋之始叛
困獸久羈於檻阱何有爪牙饑鷹甫脫於韝條
遽忘卵翼我

高宗純皇帝霆聲遠震遂歸貳負之餘骸我

仁宗睿皇帝風化遐孚暫貸鄭瞞之遺孽方謂苗之有

莠同鬯遂於甘雨和風豈期驅又生羆竟鉤扇
於窮荒絕徼借和卓以熒孽俗憑浩罕以熾狂
氛始猶晝伏夜行舞穴鼠潛窺之智繼乃怒飛
饑嘯逞城狐竊據之心狼煙寒葱嶺之烽紙鳶
信斷蟻族煽花門之種銀鶻聲囂困都護之孤
軍捧日之丹心自壯蹂迦師之四境膏原之碧
血俱殷鯨吞海及於莎車蠶食且延於溫宿自

訥磨牙之利難窮擢髮之辜

皇上默握璇樞遠頒金印上相叶師中之吉元戎參
闡外之謀

簡勁旅於三韓燕領悉封侯偉相

選雄材於八校虎賁爲典衛崇班捎雲麾大白之旗
直摩烏壘斫地拔流黃之劍共指龍堆徵兵者

三萬有奇以師畢會卜期於二月初吉我武維

揚渾巴什早播先聲投鞭已斷柯爾坪旋申大
捷迎刃何勞追熊羆之勇氣方張而魑魅之游
魂益懾掃樹窩而疾進窮搜伏莽之戎度戈壁
以安行快飲決渠之水夾道之髻覲效順已化
鴟音當車之么騰矜雄尙支螳臂兩甄聽鼓援
桴而轉戰無前三刻踰溝躍馬而短兵相接吐
赤燦之怒燄迸地金丸飲白羽之神鋒驚天玉

駑洋阿爾巴特風雲傳叱咤之聲沙布都爾莊
草木挾飛騰之氣翦荆榛於礙路險歷羊腸積
戈甲以成山高齊熊耳填河徑渡蒼蒼兕以驩
呼拔柵長驅望黃龍而痛飲遂擣楨中之地策
妙攻心旋摧磐藁之城渠期授首乃重圍未合
已窘驚颯而三窟潛營偏工脫兔飛章屢奏先
臚月捷之勲羽檄爭傳再整星馳之旅逐北之

煙塵直上駭走終窮征西之號令重頽虜居自
散喜疆索全登衽席磐石同安慶邊氓復覩威
儀壺箠競獻漏網之潛鱗深匿還燃燭怪之犀
驚弓之妖鳥高飛不乏呼媒之雉別部願爲偵
謀借躡影而追蹤番酋並聽指揮更絕幽而繫
險徧歷九邊以外方將勇賈前茅不見一虜而
還幾使誅逋獨柳惟稔惡究難逃乎

天討而成功遂默契夫

神謀臘鼓催年彼族正銜枚而入征輦動地我軍齊
捲甲而趨謂無備之可攻陰懷鬼蜮恰及鋒而
欲試顯戮鱣鮪雪耀弓刀萬里之山河照夜風
寒感築五更之鼓角從天殄羣奸爲雨血風毛
攫身思遁置列陣如銅牆鐵壁著翅難飛無煩
唐儉撫降早報生俘頡利豈俟班超誘執羣呼

面縛兜題

九重喜達夫紅旗寅賓協律三尺威申於白組

午陛陳儀正鈇鉞於藁街薄海之臣民稱快奏簫鏡

於沙磧遐方之君長知歸唱凱班師合壤叟輶

童而叶頌頂經禮佛統纏頭凸鼻以攄忱凡茲

駿烈之光昭實賴

鴻猷之廣運洪維

智勇

天錫

剛健日新

哲可以炳先幾

惠足以孚衆志千萬里視諸指掌

算得多多二三臣寄彼股肱

善能將將

十條授策發九天九地之機

五夜批章宣四正四奇之略

嚴申師律凜止齋而令肅秋毫

廬念民勞勤補助而歡騰夏諺裕貫糧則

頒鏐畢逮

籌衣褐而挾纊咸溫星郵齋

太府之金銀牌五等雪嶺轉伊犁之粟玉粒千困

憫忠而俎豆思歆

賞且延於後嗣

敘績而

絲綸立沛

恩並及於微勞

俯軫瘡痍克四城而振旅務除苞蘘留羣帥以視師

責後效使贖前愆要在罪人斯得

奮英謀而黜異議果看大憝成擒師期周一歲之終
廟算邁百王而上星妖乍隕

蒼昊呈符

神力攸憑紅光助順告成

天

祖貞珉刊太學之碑歸美

尊親寶玉奉

慈闈之冊懋官懋賞超常格以

酬庸爾公爾侯晉宗封而

錫爵

御贊耀凌煙之畫壁煥璇題

天銘輝倬漢之章山鑄鐵蓋猶且

命大僚而善後

宏至治以綏邊通其變譬若張絃振其綱有如挈領

滌燒苛而布令咸與維新優祿糈以興廉各共
乃職設參傅伍計月要歲會之成論辨官材嚴
當戶且渠之選百堵築射稽之版更補羊牢干
屯周甌脫之疆胥環驚堠催耕萊野升科尙緩
丁租徵戍瓜期列隊彌增戊校肄表貉獻禽之
典丕揚蕃落軍聲扼猱攀鳥度之區慎固開齊
山路耨苗櫛髮安集延悉就驅除被纘帶犀布

魯特借來奔走維

盛世居中以馭外啟關嚴通市之防維

聖人耀德不觀兵息事普安民之福彼生機漸蹙行

看突厥將亡而奇貨可居徒哂夜郎自大金鵝

效貢知款塞以旋來鐵駟歸閑早櫜戈而勿用

窺

宥密之持盈保泰臻盡美盡善之全仰

聲靈之震古燦今握成始成終之要

秘畫自申於獨斷洪纖必稟

親裁

奇勲允迪於

前光繼述咸欽

達孝緬昔

蕩平準部紀

聖謨而具有成書今茲

恢定回疆臚

偉伐而宜詳作典

臣

等同依

紫禁獲侍

丹毫誌

龍綉之面承彙鸞函而手錄昭如日月

宵衣旰食之精神炳若春秋繫事編年之體例重宣

密勿恍

螭頭夜對之時載釋

機宜憶

豹尾晨趨之日頌

帝德之聖神文武千古同符輯

宸章爲訓誥典謨一詞莫贊八十卷

昭垂方策遠軼赤文綠字之編萬億年翕集共球永

歌朱鷺白狼之曲臣等無任瞻

天仰

聖踴躍歡忭之至謹拜

表恭

進以

聞